

**ԷՍՏՈՆԻԱՅԻ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ ԵԿԵՂԵՑՈՒ
ՆՈՐ ՊԵՏԻ ԳԱՀԱԿԱԼՈՒԹՅԱՆ ՀԱՆԴԻՍՈՒԹՅՈՒՆՆԵՐԸ
ՏԱԼԼԻՆՈՒՄ**

1987 թվականի նոյեմբերի 15-ին և 16-ին Էստոնիայի մայրաքաղաք Տալլինում տեղի ունեցան Էստոնիայի Ավետարանական-Լուծերական Եկեղեցու նոր պետի՝ Կուռն Պալուլա արքեպիսկոպոսի գահակալության հանդիսությունները:

Մայրաքաղաքի Դոմի մեծ տաճարում ձեռնադրության և հանդիսավոր ս. պատարագին ներկա էին Լենինգրադի և Էստոնիայի միտրոպոլիտ Ս. Ալեքսիմ (Ռուս Ուղղափառ Եկեղեցի), Լատվիայի Ավետարանական-Լուծերական Եկեղեցու պետ Հրիկ Մեալտերս արքեպիսկոպոսը, հանուն Լիտվայի Կաթոլիկ Եկեղեցու՝ Լիտուրգիկ հանձնաժողովի նախագահ Վ. Ալյուկիսը: Ներկա էին նաև Ավստրիայի, ԳՂՀ-ի, ԲՖՀ-ի, Դանիայի, Հունգարիայի, Նորվեգիայի, Շվեդիայի, Չեխոսլովակիայի և Ֆինլանդիայի տարբեր Եկեղեցիների ներկայացուցիչներ:

Ի դեմս Հայաստանյայց Առաքելական Եկեղեցու Ս. Կուռն Պալուլայի գահակալության հանդիսություններին մասնակցեց Շիրակի թեմի առաջնորդ գերաշնորհ Ս. Նարեկ եպս. Ծաքարյանը:

Հանդիսավոր ս. պատարագն ու ձեռնադրությունը կատարեց Ֆինլանդիայի Ավետարանական-Լուծերական Եկեղեցու պետը: Բարձրաստիճան հյուրերը հանդես եկան շնորհավորանքներով և ողջույնի խոսքերով: Հանուն Հայաստանյայց Առաքելական Եկեղեցու և Նորին Սուրբ Օծություն Ս. Ս. Վազգեն Ա Ամենայն Հայոց կաթողիկոսի խոսք առավ Շիրակի թեմի առաջնորդ գերաշնորհ Ս. Նարեկ եպս. Ծաքար-

յանը: Սրբազան հայրը անդրադարձավ հայ-էստոնական պատմական, բարեկամական կապերին, մանավանդ խորհրդայնացումից հետո խորացող եղբայրական հարաբերու-



թյուններին, ի մասնավորի քույր Եկեղեցիների համագործակցությանը՝ Էկումենիկ շարժման և համաշխարհային խաղաղության համար մղվող պայքարում: Հույս

հայտնեց, որ հետ այսու ևս քույր Եկեղեցիները ջանք չեն խնայի արդյունավետ համագործակցության և համաքրիստոնեական եղբայրության համար:

Նույն օրը, երեկոյան, ի պատիվ հյուրերի, տրվեց ճոխ ճաշկերույթ:

Հանդիսությունները շարունակվեցին ևս հաջորդ օրը: Նոյեմբերի 16-ի առավոտյան արտասահմանցի հյուրերն ու քույր Եկեղեցիների ներկայացուցիչները ընդունվեցին Էստոնական ՍՍՀ Գերագույն սովետի նախագահության նախագահի քարտուղար տիար Վ. Ա. Վահնգի կողմից: Ապա հյուրերը ծաղկեպսակ գետեղեցին Էստոնիայի մայրաքաղաքի կենտրոնում գտնվող անհայտ զինվորի գերեզմանին:

Նույն օրը, երեկոյան, հրաժեշտի ընթրիքին քեղմնավոր գործունեության մաղթանքներով հանդես եկավ Ներսես սրբազանը:

1987 թ. հունիսի 29-ին Ամենայն Հայոց Վեհափառ Հայրապետը հետևյալ հեռագրով շնորհավորել էր Կոմո Պայուլա արքեպիսկոպոսի ընտրությունը:

ԳԵՐԱԾԵՆՈՐՀ ԿՈՒՆՈ ՊԱՅՈՒԼԱ
ԷՍՏՈՆԻԱՅԻ ԱՎԵՏԱՐԱՆԱԿԱՆ-
ԼՈՒԹԵՐԱԿԱՆ ԵԿԵՂԵՑՈՒ
ԱՐՔԵՊԻՍԿՈՊՈՍ

Տաղից

Ձերդ Սրբազնություն,
Գոհմանկությամբ տեղեկացանք Ձեր ընտրության մասին՝ որպես արքունակալ Էստոնիայի Ավետարանական-Լութերական Եկեղեցու:

Ս. Էջմիածնից հղում ենք Մեր ողջունը և բարեմաղթությունը, որ ունենաք առողջության և ամուր ուժերի երկար տարիներ՝ հաջողությամբ իրականացնելու համար Ձեր խստվածաբան առաքելությունը ուղղված ձեր Սուրբ Եկեղեցու հետագա բարգավաճման:

Թող Հովվապետ Տերը օրհնի Ձեր հետագա գործունեությունը:

Սիրով ի Քրիստոս

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

29 հունիս, 1987

